

8. gr.

Hreindýraeftirlitsmenn skulu senda veiðistjóra skýrslu um veiðarnar strax að veiðitíma loknum, sbr. 1. mgr. 5. gr.

9. gr.

Óheimilt er að hafa hreindýrakjöt til sölu nema það hafi verið skoðað og metið af dýralækni, sbr. ákvæði laga nr. 30/1966 um meðferð, skoðun og mat á sláturafurðum.

10. gr.

Brot á reglum þessum, sem settar eru skv. lögum nr. 28/1940 um friðun hreindýra og eftirlit með þeim, svo og breytingu á þeim lögum nr. 72/1954, sbr. og 7. gr. laga nr. 47/1990, sæta meðferð að hætti opinberra mála.

Reglur þessar öðlast þegar gildi og falla jafnframt úr gildi reglur nr. 329/1990 um hreindýraveiðar árið 1990. Einnig falla úr gildi reglur nr. 210/1991, um hreindýraráð.

Umhverfissráðuneytið, 24. júlí 1991.

Eiður Guðnason.

Páll Líndal.

Nr. 356

REGLUGERÐ

9. júlí 1991

um gjöld fyrir þjónustu veitta af Ríkismati sjávarafurða.

1. gr.

Ríkismat sjávarafurða skal taka gjald fyrir vinnsluleyfi sem það gefur út til fiskvinnslustöðva og fyrir hæfnisvottorð sem það gefur út til fiskiskipa.

Vinnslustöðvar og fiskiskip skulu hljóta vinnsluleyfi og hæfnisvottorð að jafnaði einu sinni á ári.

Fyrir vinnsluleyfi til fiskvinnslustöðva samkvæmt 2. mgr. skal greiða gjald eins og hér segir eftir vinnslugreinum:

	kr.
1. Grásleppustöðvar	2 000,00
2. Saltfisk-, síldarsöltunar- og skreiðarstöðvar	8 000,00
3. Lagmetisverksmiðjur, frystihús þ.m.t. skelfiskvinnslustöðvar og frystitogarar	15 000,00
4. Bráðabirgðavinnsluleyfi er veitt þeim vinnslustöðvum sem hafa þá ágalla að fullnægja ekki settum reglum um hreinlæti og búnað en teljast þó hæfar til matvælaframleiðslu að mati Ríkismats sjávarafurða. Hámarksgildistími bráðabirgðaleyfis er 3 mánuðir. Fyrir bráðabirgðaleyfi skal greiða sama gjald og tiltekið er í 1.–3. tl. hér að ofan.	

Fyrir hæfnisvottorð til fiskiskipa samkvæmt 2. mgr. skal greiða eins og hér segir:

	kr.
1. Fiskiskip 1–50 brúttórúmllestir	3 000,00
2. Fiskiskip 51–200 brúttórúmllestir	6 000,00
3. Fiskiskip 201 brúttórúmllestir og stærri	12 000,00
4. Fyrir bráðabirgðahæfnisvottorð sem gildir hámark 2 mánuði skal greiða skv. 1.–3. tl. hér að ofan.	

Gjald fyrir hæfnisvottorð samkvæmt þessari grein skal innheimt við afhendingu vottorðsins.

2. gr.

Ríkismatið skal taka gjald vegna útflutningsmatsvottorða.

Skal gjald vegna afurða hvers framleiðanda á útflutningsvottorði vera kr. 500,00.

3. gr.

Ríkismatið skal taka gjald fyrir eftirlit og mat á afurðum þ.m.t. reglubundið framleiðslu- eftirlit, og mat á ferskum fiski til útflutnings og störfum sem því tengjast.

Þegar matsmaður hefur lokið störfum hverju sinni samkvæmt 1. mgr., skal hann skrifa vinnuskýrslu með tilgreindum fjölda dag- og eftirvinnustunda, sem hann hefur unnið og skal vinnuþegi eða trúnaðarmaður hans staðfesta hana með undirskrift sinni.

Ríkismatið reiknar út launakostnað samkvæmt vinnuskýrslum, sem um getur í 2. mgr. Fyrir hverja dagvinnustund skal taka kr. 900,00 en fyrir hverja yfirvinnustund kr. 1 400,00 miðað við launavísitölu í janúar 1991 og framreiknast miðað við þróun launavísitölunnar á hverjum tíma. Aldrei skal reikna minna en þrjár klst. fyrir störf þessi.

Heimilt er að taka sérstakt yfirtöku- og útflutningsmatsgjald fyrir hverja tunnu saltaðra hrogna í stað launakostnaðar samkvæmt 1. og 2. mgr. þessar greinar eftir nánari ákvörðun ráðuneytisins hverju sinni. Á sama hátt er heimilt að taka sérstakt gjald fyrir hvern gám, sem fiskur er ísaður í til útflutnings.

Séu gerðar efnagreiningar og/eða gerlaprufur, skulu þær greiddar samkvæmt reikningi.

4. gr.

Gjald Ríkismats sjávarafurða fyrir aðra útselda vinnu við sérfræðistörf en um getur í 1., 2. og 3. gr. skal vera kr. 2 400,00 á klst.

5. gr.

Útflytjendum og samtökum útflytjenda er skylt að greiða fyrir hönd umþjóðenda sinna reikninga, sem gefnir eru út vegna útgáfu vinnsluleyfa, löggiltra dagbóka, eftirlits og mats, og útgáfu útflutningsmatsvottorða svo og efnagreininga og gerlaprufa.

6. gr.

Gjöld samkvæmt reglugerð þessari eru lögð á og innheimt samkvæmt heimild í 26. gr. laga nr. 53, 30. maí 1984 til að öðlast gildi nú þegar.

Jafnframt er úr gildi felld reglugerð nr. 457, 27. september 1989 um gjöld fyrir þjónustu veitta af Ríkismati sjávarafurða.

Sjávarútvegsráðuneytið, 9. júlí 1991.

Þorsteinn Pálsson.

Árni Kolbeinsson.

AUGLÝSING

um umferð í Patrekshreppi.

Að fenginni tillögu byggingarnefndar Patrekshrepps verða settar eftirfarandi reglur um umferð í Patrekshreppi. Reglurnar taka gildi 1. september 1991.

1. Biðskylda verði sett á tengibraut við söluskála Esso-Nesti gagnvart Strandgötu.
2. Biðskylda verði sett á Sigtún gagnvart Strandgötu.
3. Biðskylda verði sett á Hlíðarveg gagnvart Aðalstræti.